



Inatsisartuni ilaasortaq Knud Fleischer, Kattusseqatigiit Partiaa  
/maani

## § 37 nr. 2012-026 tunngavigalugu apeqquteqaatinnut akissut

Inatsisartuni ilaasortaq qutsavigaara utoqqalinersiallit atugaat pillugit apeqqutillu taakkua malitsigisaat pillugit soqutiginnimmat.

### Naalakkersuisunut apeqqutit:

06. feb 2012  
Sagsnr. 2012-061071  
Dok. Nr. 819463

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

### Apeqquteqaat 1

Utoqqalinersiallit saniatigut sulinikkut aningaasarsiarineqarsinnaasunut killilius-saq marloriaatinngorlugu qaffanneqarpat aningaasatigut tamakkiisumik qanoq kinguneqassava?

#### Akissut

Utoqqalinersiat tunniunneqartarput Inatsisartut peqqussutaat nr. 3, 7. maj 2007-imeersoq tunngavigalugu. Maani Nunatsinni utoqqalinersiat akileraarutinit 100 %-imik akileneqartarput, tassani Namminersorlutik Oqartussat 90 %-ii akilertarpaat kommunillu 10 % akilertarlugu. Utoqqalinersiat inooqatigiinnermut atasumik pensionisiaapput, utoqqarnullu aningaasaqarniarnikkut atugarliornerusunut toqqaannartumik taakkununga atungassiaallutik. Tassa utoqqalinersiat siunertaraat utoqqaat innuttaasut atugarissaarnerunissaannik qulakkeerisuusaaq. Utoqqalinersiat tunniunneqassanersut, qanorlu annertussuseqassanersut illoqatigiit ataatsimut aningaasarsiaasa akileraarutaat apeqqutaasarput.

2012-imi ukiumut utoqqalinersiat utoqqalinersialimmut kisimiittumut angissusilerneqarsimapput 123.497 koruuninut, imaluunniit aappariinnut aappaasoq utoqqalinersiaqarnissaminut pisinnaatitaappat. Utoqqalinersiat annikillisinneqartarput illoqatigiit aningaasarsiaat 56.000 koruunit qaangeraangatigit. Utoqqalinersiaqarneq unitsinneqartarpoq saniatigut aningaasarsiat 228.000 koruuninik amerlaneruleraangata.

Aappariinnut utoqqalinersiat 168.405 koruuniusarput aappariit tamarmik utoqqalinersiaqarnissaminut pisinnaatitaagaangata.

Aappariit utoqqalinersiallit utoqqalinersiaminnit annikillisaaffigineqarsinnaalersarput aappariit aningaasarsiaasa 84.000 koruunit sinneraangatigit, utoqqalinersiallu piivittarput aappariit isertitaasa 318.000 koruunit sinneraangatigit.

Utoqqalinersiallit saniatigooralugu aningaasarsiorsinnaanerata maannakkumut sanilliullugu marloriaatinngortinneqarnissaa Naalakkersuisut siunertarinngilaat. Naalakkersuisut naliliipput saniatigooralugu isertinneqarsinnaasut allanngortinneqassappata tamanna akisuallaassasoq, pissarsiasartaannut sanilliullugu.

Naalakkersuisut qitiutillugu anguniagaraat kikkulluunniit inuusuttuugaluarunik utoqqaagaluarunilluunniit imminnut napatissinnaanissaata annertusarneqarnissaa. Naalakkersuisut pingaartippaat utoqqaat innuttaasut pisinnaagunik, periarfissaqarlutilluunniit piumassuseqarunik suliffeqarfinni sulisinnaasut, 65-ileereersimagaluarunilluunniit. Malittarisassat ullumikkut atuuttuusut taamaaliornissamut naammattumik periarfissiisutut nalilerneqarput.

Siunnersuutip Inatsisartuni ilaasortap saqqummiussaata malitsigissavaa, utoqqalinersialik siunnersuut akuerineqassagaluarpat periarfissanik tamakkiilluni atuisoq ukiumut 235.000 koruuninik pissarsisalissasoq, utoqqalinersiaminit annikilisaanneqarani. Utoqqalinersialik taamatut aningaasarsiaqassaguni nalunaaquttap akunneri 1.100-t sulissaaq – SIK-p ilinniagaqartunut akissarsiasatut minnerpaamik aningaasarsiaritittagai malillugit.

Sanilliullugu ilinniagaqarsimasoq SIK-p akissarsiarititai malillugit minnerpaamik aningaasarsisartoq, tamakkiisumillu sulisoq, tassa nalunaaquttap akunneri 2080-it ukiumut 210.000 koruuninik aningaasarsiaqarsinnaassaaq.

Naalakkersuisut isumaqarput pissusissamisuuksanngitsoq utoqqalinersialik periarfissinneqassappat SIK malillugu ilinniagaqarsimasumiit minnerpaamik aningaasarsisartumit ukiumut amerlanerusunik aningaasarsiaqarnissaminut periarfissinneqassappat, annerusumik eqqarsaatigalugu taakkuninnga utoqqalinersiallit 52 %-t sinnerpatigit.

Pisariaqartitsinerusut atugaasa pitsaanerulersinneqarnissaat Naalakkersuisut tamatigit anguniagaraat, taakkua ataanniillutik utoqqaat aningaasaqarniarnikkut sanngiinnerusut. Utoqqaat eqimattatut atugaat Akileraartarnermut Tungiuinermullu isumalioqatigiissitap allanngortiterisinnaneq eqqarsaatigalugu misissueqqissaarnerani ilaatinneqarput. Taamatut atugaqartut allanngortiteriffiqarsinnaanerata suliassaavoq misissueqqissaarnerup inerniliussai siunissamut soorunami eqqarsaatigalugit.

Tassunga tunngatillugu oqaatigisariaqarpoq inuuniarnermut tunngatillugu aningaasaliissutit ataatsimoortutut isigisariaqarmata. Assersuutigalugu utoqqalinersiat allanngortinneqassappata, tamanna siusinaarluni soraarnerussutisiaqartarnermut atasutut isigisariaqarpoq, taannalu aamma ineqarnermut tapiissuteqartarnermut atassuteqarpoq, tamannalu aamma pisortanit ikiorserneqartarnermut tunngassuteqarpoq il.il.

Taamaammatt pisortanit ikiorserneqartarnermik allannguisoqassappat tamanut attuumassuteqarneri eqqarsaatigilluagaasariaqarput.

Ukiumut akissarsiarineqarsinnaasut marloriaatinngortinneqassagaluarpata Naalakkersuisut erseqqissumik naatsorsuusiarinikuunngilaat. Taamaaliussagaanni allannguinissamut tunngavissaritinneqartut atuuttuusullu erseqqinnerusariaqar-

put, aammalu paasiniaasoqartariaqarluni utoqqalinersiaqartut sulinissartik qanoq annertusariaqarneraat illoqatigiillu aningaasarsiassaamertillutik.

### **Apeqquteqaat 2**

Utoqqalinersiallit saniatigut sulinikkut aningaasarsiarineqarsinaasut killiliussat marloriaatinngorlugit periarfissinneqarpata suut allat kingunerissavai?

### **Akissut**

Oqaatigineqareersutut siumut oqaatigiuminaappoq sanitigut isertinneqarsinnaasut allanngortinneqassagaluarpata utoqqalinersiaqartut qanoq suliumatigissanersut. Taamaammatt aamma erseqqissumik naliliinissaq ajornakusoorpoq utoqqaat qanoq suliaqarnerutigerusunnersut qanorlu sulerusutsiginersut, utoqqalinersiamik saniatigut annikilliliinertaqanngitsumik aningaasarsiarisinnaasatik amerlissagunikkit.

Isumaqartoqarsinnaanguatsiarpoq saniatigut aningaasarsiaasinnaasut allanngortinnerisa kingunerissagaat amerlanerusunik suliffissaqalermisaaq. Taamaannerani suliassat utoqqalinersiaqartut suliarsinnaasat suliffissarsiortunut allanut aamma ammasariaqarput, soorlu inuusutut ilinniagaqarnermik saniatigut ilaannakortumik sulisuusartut, taakkulu aningaasarsiaminnik amerlisaaniarnerat eqqarsaatigalugu allatut iliuuseqartoqartariaqassaaq.

Inussiarnersumik inuulluaqqusillunga

Med venlig hilsen



Mimi Karlsen